

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1617/11  
Sarajevo, 20.12.2011. godine

**Z A P I S N I K**  
**5. VANREDNE SJEDNICE DOMA NARODA PARLAMENTA**  
**FEDERACIJE BOSNE I HERCEGOVINE, održane 20. decembra 2011.**  
**godine**

Sjednica je počela u 14.41. nakon završetka 7. sjednice Doma naroda. Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Izostanak sa sjednice opravdali su Edina Papo, Slađan Ilić i Slobodan Tomić.

Na osnovu evidencije Stručne službe, predsjedavajuća je konstatovala da sjednici prisustvuje 47 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate da je Predstavnički dom u prethodnom mandatnom periodu na 33. sjednici od 20.10.2010. usvojio Prijedlog Strategije upravljanja vodama Federacije BiH koju je utvrdila Vlada Federacije BiH iz prethodnog mandatnog perioda.

Premijer Federacije Nermin Nikšić dopisom od 13.07.2011. godine izjasnio se da Vlada Federacije ostaje pri tekstu usvojenom na Predstavničkom domu i da je potrebno da i Dom naroda usvoji ovu strategiju.

Potom je predsjedavajuća upitala ima li prijedloga za izmjenu ili dopunu dnevnog reda.

Predsjednica Komisije za izbor i imenovanja Doma naroda Daliborka Milović predložila je da se u dnevni red uvrsti tačka - Izbor i imenovanja - zbog hitnosti izmjene Odluke o predsjedniku, zamjeniku predsjednika i članova radnih tijela Doma naroda Parlamenta Federacije BiH, kako bi se izbjegao sukob interesa članu Komisije za jezička pitanja koji je dao ostavku na ovu funkciju.

Predsjednica Kluba delegata srpskog naroda u Domu naroda je predložila da se dnevni red ne proširuje.

Predsjedavajuća je dala prijedlog Komisije za izbor i imenovanja na glasanje i konstatovala da prijedlog Komisije za izbor i imenovanja za dopunu dnevnog reda nije dobio potrebnu većinu glasova, jer je za glasalo 16 delegata, 13 delegata je bilo uzdržano a 17 delegata je bilo protiv.

Budući da nije bilo drugih prijedloga za izmjenu i dopunu dnevnog reda, predsjedavajuća je konstatovala da je Dom naroda Parlamenta Federacije BiH, sa 34 glasa za, uz sedam glasova protiv i uz dva uzdržana glasa, usvojio sljedeći:

## DNEVNI RED

### 1. Prijedlog Strategije upravljanja vodama Federacije BiH

Prijedlog Strategije utvrdila je Vlada Federacije i dostavila Parlamentu Federacije radi razmatranja i usvajanja.

Predstavnički dom je na 33. sjednici od 20.10.2010. godine usvojio Prijedlog Strategije upravljanja vodama Federacije BiH u tekstu kako ga je predložila Vlada Federacije.

Prijedlog Strategije obrazložio je federalni ministar poljoprivrede, vodoprivrede i šumarstva Jerko Ivanković-Lijanović.

Ispred Odbora za poljoprivredu, vodoprivredu i šumarstvo izvještaj je obrazložio Mustafa Kurtović, predsjednik Odbora.

U raspravi su učestvovali Sretko Radišić i Mira Ljubijankić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 33 glasa za, uz dva glasa protiv i uz 11 uzdržanih glasova, usvojio sljedeći:

## ZAKLJUČAK

Dom naroda Parlamenta Federacije usvaja Prijedlog Strategije upravljanja vodama Federacije BiH.

Sjednica je završena u 14.57.

\* \* \*

Transkript sjednice čine sastavni dio Zapisnika.

SEKRETAR

Izmir Hadžić

PREDSJEDAVAJUĆA

Karolina Pavlović, prof.